

**4 hlis tim 27, 2020**

**Lus Tshaj Qhia los ntawm Tus Tuam Thawj Tswj Hauv Paus Tsev Kawm Ntawv Nelson-----**

Yuav luag txhua yam hauv lub neej raug pauv vim tus kab mob COVID-19—ua rau cov tub ntxhais kawm ntawv, cov tsev neeg thiab hauv paus tsev kawm ntawv cov neeg ua hauj lwm tau ua hauj lwm thiab kho lub neej kom haum raws lub sij hawm tam sim no. Qhov no yeej muaj tseeb rau tej kev peb tos ntsoov los ua kev zoo siab rau peb cov tub ntxhais kawm ntawv qib 12 thiab muab kev kawm caij ntuj so rau peb cov tub ntxhais kawm ntawv. Peb cov neeg ua hauj lwm tab tom muab txhua yam coj los saib ua zaum kawg, tiam sis kuv zoo siab los mus qhia hais tias peb yuav muaj kev zoo siab rau peb cov tub ntxhais kawm tiav qib 12 thiab ua kom muaj kev kawm caij ntuj so hauv huab cua tuaj mus. Ua tsaug rau nej txoj kev ntxhawb nqa thiab siab ntev li qhov kev peb sawv daws sib txhawb rau lub sij hawm ntxhawv tshaj thiab nyuaj no.

**Pawg Tub Ntxhais Kawm Tiav Rau Xyoo 2020**

- Tab tom muaj Cov kev npaj rau ib **lub koob tsheej kawm tiav rau cov tub ntxhais kawm ntawv tiav qib 12 hauv huab cua** uas yuav muaj xws li kev hu npe rau tag nrho cov tub ntxhais kawm qib 12, cov tub ntxhais kawm ntawv thiab xib fwb cov videos, lus txhawb los ntawm tus txwj laug, tus tuam thawj tswj hauv paus tsev kawm ntawv, thawj xib fwb, kev muab daim ntawv kawm tiav, thiab kev muab txoj hlua ntawm lub kos mom tig. Qhov kev kawm tiav hauv huab cua yuav raug muab tso tawm rau hauv zej zog cov this vis, hauv paus tsev kawm ntawv qhov website thiab sawv daws muaj peev xwm muab kaws tseg los yog muab download. Qhov sij hawm thiab hnuv tseem tab tom raug muab saib ua zaum kawg thiab yuav muab coj los tshaj tawm rau lub 5 hlis tim 15.
- Ua kev zoo siab rau lawv txoj kev kawm tiav, peb cov tub ntxhais kawm qib 12 tseem yuav tau txais ib **qho kev qhuas tshwj xeeb**.
- Thaum qhov kev los nyob hauv tsev no xaus lawm thiab thaum muaj kev ruaj ntseg los mus nyob ua ke thiab ua kev zoo siab tau, peb mam npaj kom muaj ib **lub koob tsheej kawm tiav tiag tiag**.
- **Tsev kawm ntawv cov tsoos khaub ncaws hnav kawm tiav** thiab tej khoom plig khaws tseg cia yuav raug muab siv thaum ua lub koob tsheej kawm tiav tiag yog li ntawd cov tsev kawm ntawv high schools yuav tsis muab kev yuav cov khaub ncaws kawm tiav kaw tseg los yog thim nyiaj rov qab rau lub sij hawm tam sim no. Cov tub ntxhais kawm ntawv uas tseem tim tsum yuav cov tsoos khaub ncawv hnav kawm tiav coj mus khaws cia, thov mus yuav rau ntawm qhov website yuav khoom ([gradservicesltd.com](http://gradservicesltd.com) los [yog Jostens.com](http://yog Jostens.com)).
- **Thov Koom Peb rau qhov kev zoo siab rau peb cov tub ntxhais kawm ntawv qib 12!** Ob peb lub lis piam tom ntej no, thaum lub caij yuav pib peb cov koob tsheej zoo siab,

yuav muaj tej duab thiab ntawv tshaj qhia koj los qhia thiab tso tawm los mus hwm txog pawg tub ntxhais kawm tiav tshwj xeeb rau xyoo no

- **Qib 12 cov qhab nia kawg yuav raug muab tso tawm thaum lub 5 hlis tim 22, 2020** (rau lub tsev kawm ntawv Design Science yog thaum lub 5 hlis tim 15, 2020).
- **Qib 12 qhov kev kuaj tawm txhua yam yuav muaj rau lub 5 hlis tim 26-29** (5 hlis tim 19 rau tsev kawm ntawv Design Science). Cov tub ntxhais kawm ntawv qib 12 yuav tau xa lawv cov phau ntawv kawm thiab cov phau ntawv qiv hauv library tuaj, thim rov qab tej technology uas tau qiv, khaub ncaws hnav, tej twj siv ntaus suab paj nruag, thiab tej khoom siv nrhiav nyiaj ntawm cov koom haum los yog club. Qhov txheej txheem tuaj xa tej khoom yuav siv kwv yees li ntawm ib teev thiab peb yuav tau xyuam kev nyob sib nruag.

### **Kev Kawm Caij Ntuj So**

Tau muaj cov kev npaj los mus muab cov hwv tsam kawm caij ntuj so rau TAG NRHO peb cov tub ntxhais kawm ntawv lub caij ntuj so no rau ib qho kev kawm ntawv dev deb. Txhua yam kev qhia txog qhov program kawm caij ntuj so, yuav muaj xws li saib cov tub ntxhais kawm ntawv yuav los mus cuv npe kawm li cas, yuav muaj kev tshaj qhia rau thaum pib lub 5 hlis. Yuav muaj kev qhia rau cov niam txiv thib tub ntxhais kawm ntawv los ntawm hauv paus tsev kawm ntawv cov kev tshaj qhia xws li sau ntawv qhia, emails, lus qhia kaw hauv xov tooj los, thiab ntaus ntawv los, ATLAS thiab cov kws sab laj laj (counselor) hu tuaj cuag.

Ua tsaug ib zaug ntxiv rau tag nrho tej yam nej ua kom nej cov tub ntxhais kawm ntawv muaj kev koom thiab txuas nrog rau cov xib fwv thiab neeg ua hauj lwv. Peb nco txog tag nrho ntau tshaj 74,000 tus tub ntxhais kawm ntawv rau lub caij peb tsis tuaj mus kawm ntawv ua ke hauv tsev kawm ntawv li no, los Hauv Paus Tsev Kawm Ntawv Fresno yeej tseem rau siab pab txhawb peb cov tub ntxhais kawm ntawv thiab lawv tsev neeg nyob rau lub neej kawm ntawv kev deb tshiab li no. Peb yuav ua kom dhau qhov no ua ke thiab ua kom dhau yam muaj zog dua qub.